

л. 23

Тому покланяюся, того бога знаю,
Душою мою и тело тому вручаю.

Максимиан

Таким подобством нашим богом покланися,
Да любовь моя будет к тебе помолися.

Димитрий

От любви моего бога кто мене разлучит,
Ни меч, ни огонь, ниже глад еще и докучит.
Не отлучит от бога крайняя нагота,
Не разлучит мя з богом досадная теснота.

Велможа 1-й

Престани, Димитрие, не протився власти,
Да не понесеш за то каковые страсти,
Слыши нас, а наипаче слыш Максимиана.
Почти богов, а власть ти болша будет дана.

Максимиан

Сице и сей друг тихословне вещает
Димитрий в нас чрез богов большой власти чает.
Димитрий, послушай моя порады,
Поставлю тя во власти над всеми грады.
Пожри со мною богом и тем поклонися,
А от бога твоего весма отвратися.

Димитрий

Проклят таковой совет, и уста прокляты,
Иже мя научают чтити боги не святы,
Да пропадут навеки изваянны бози
Бездушны и безсилны, еще суть и мнози.
Бог мой святой едины, надежда едина,
На того уповаю, не на бога ина.
Он мое есть богатство, он моя и слава,
Того на мне пребуди крепкая держава.

л. 23 об.

Велможа 2-й

Димитрие, не дерзай глаголати сице,
Да не будеши связан в прекрепкой темнице.
Время послушати и Максимиана
И восприять тебе та, яже обещанна.

Димитрий

Пребезумная глава сице провещает
И кто от света ко тме себе обращает,
Сладость оставши, горесть кто хоцет вкусити?
Не имаши мя словом лукавым престити.

Максимиан

Димитрие, крайне вещаю ти слово,
Вскоре мучение будет ти готова.